

四庫全書

子部

欽定四庫全書

子部

記纂淵海卷

八十八至  
九十一

詳校官中書臣涂日煥

主事臣祁韻士覆勘

總校官降調編修臣倉聖脉

校對官中書臣王家賓

謄錄監生臣武先振

欽定四庫全書

記纂淵海卷八十八

宋 潘自牧 撰

博奕部

博

子虞氏者梁之富人也登高樓臨大路設樂陳酒擊博

樓上

列子

史博之所以貴梟者便則食不便則止何用智之不如

梟也

史記

博戲惡業也而栢發用之富

同上

陳遵祖父遂宣

帝微時相隨博奕數負進及帝即位遷遂太原太守廼

賜璽書曰官尊祿厚可以償博進矣

前陳遵傳注云進會禮之財也

張

賈出守衢州文宗曰聞卿大善長行賈曰臣公事之餘

聊與廣客為戲非有所妨也

唐書

唐僖宗與諸王賭鵝鵝

一頭至百五十緡

通鑑

傳記六博用十二棊分白黑各半擲之

博經

今之博戲長

行最盛其具有局有子子黑黃各十五擲彩之頭有二

其法生於握槊變於雙陸後人新意長行出焉疆名

勝謂之撿零假借分畫謂之囊家囊家什一而取謂之

乞頭

國史補

貞元中宋清進博經一卷

國史纂要

天寶中嶺南

獻白鸚鵡甚聰慧呼為雪衣女上每與嬪御及諸王博

戲上稍不勝左右呼雪衣女必飛局中鼓翼以亂之

譚賓

錄

肅宗與張良娣打博子聲聞于外鄴侯因言及上遂

潛令刻乾樹鷄為子不欲有聲良娣尤怨

鄴侯家傳

桓宣武

家貧求救於袁耽耽時居艱迺變服懷布帽隨溫去與

債主戲耽素有藝名債主就局曰汝故當不辦作袁彥

道耶遂共戲十萬一擲直上百萬數投馬絕叫旁若無人擲布帽仍對人曰汝竟識袁彥道不

世說

集篋敝象碁有六博些分曹並進道相迫些成梟而牟

呼五白些

楚辭

六博爭雄好采來金盤一擲萬人開

李白

有

時六博快壯心遠床三匝呼一擲五木思一擲如繩

繫窮猿

連呼五白行六博分曹賭酒酣馳暉

並同上

咸

陽客舍一事無相與博塞為歡娛憑陵大叫呼五白袒

跣不肯成梟盧

杜詩

昨夜雙鉤敗今朝百草輸關西狂小

史惟喝遶床盧

李義山

本朝盡日閒窓賭選選小姓爭覓倒盆錢上籌爭占蓬

萊島一擲乘鸞出洞天

王禹玉

竟識彥道否絕叫呼百萬

東坡

### 擣蒲

史陶侃領荊州刺史諸叅佐或以談戲廢事者乃命取其酒器蒲博之具悉投之於江將吏則加鞭撻曰擣蒲者牧猪奴戲耳

晉書

劉裕於東府聚擣蒲大擲餘人並黑

犢唯裕及劉毅在後毅次擲雉大喜褰衣繞床叫謂同座曰非不能盧不事此耳裕因按五木曰老兄試為卿答即成盧焉 劉毅家無擔石之儲一擲百萬

並同上 劉

毅好擲蒲宋武帝與毅斂局各得半積錢毅呼帝併之先擲得雉帝良久答之擲得盧謂帝曰知公不以大坐席與人鄭鮮之大喜徒跣繞床大叫毅甚不平曰此鄭君何為者無復甥舅之敬

南史

宋明帝大會新亭樓擲蒲

李安人五擲皆盧帝大驚曰卿面方如田封侯相也



宋孝武嘗與顏師伯擣蒲帝擲得雉大悅師伯後擲得  
盧帝失色師伯遽斂子曰幾作盧師伯爾日一輸百萬  
或謂卞彬曰卿都不持操何由得升彬曰擲五木子

十擲輒捷豈復是擲子之拙

並同上

梁主蕭詧曾獻碼碯

鍾周文帝顧丞郎曰能擲擣蒲頭得盧者便與鍾已經  
數人不得至篩端乃執擣蒲頭而言曰非為此鍾可貴  
但思露其誠耳便擲之五子皆黑文帝悅即以賜之

北史

周文帝解所服金帶令諸人徧擲曰先得盧者與之擲

將徧至王思政乃誓曰方願盡心效命上報知己若此誠有實願即為盧周文止之已擲為盧矣

同上

傳記擣蒲其法三分其子三百六十限以二關人執六馬其頭五枚分上為黑下為白黑者刻二為犢白者刻二為雉擲之全黑乃為盧其彩十六二雉三黑為雉其彩十四二犢三白為犢其彩十全白為白其彩八四者貴彩開為十二塞為十一塔為五禿為四捷為二擲為三六者雜彩貴者得連擲得打馬得回關餘彩則否

國史補

有人見洞中二老人携蒲乃以鞭拄地而觀俄忽

鞭爛而鞍朽

廣異記

王子敬數歲嘗看諸門生携蒲見有

勝負因曰南風不競門生輩輕其小兒乃曰此郎亦管

中窺豹時見一斑耳子敬瞑目曰遠慙荀奉倩近愧劉

貞長拂衣而去

世說

桓宣武與袁彥道携蒲彥道齒不合

遂厲色擲去五木溫太真曰見袁生遷怒知顏子為貴

同上

集成鳥而牟呼五白些

楚辭

十載荒郊任博徒按莎五木

擲梟盧

元稹

本朝東坡云慕容寶與韓黃李根等歎擲蒲哲之曰  
世言擲蒲有神若富貴可期頻得三盧於是三擲盧寶  
拜而受賜近從新譜識梟盧擬喚安陽舊博徒只恐  
分陰閒過了更教人誚牧猪奴

雙陸

傳記南海獻集翠裘則天以賜張昌宗時狄仁傑入奏  
事則天命與昌宗雙陸賭之昌宗累局連北狄公對御

脫其裘拜恩而出及至光範門遂付家奴衣之促馬而

去

集異記餘互見賜紫類

梁時荊州掾屬雙陸賭金錢盡以金錢

花相足魚弘謂得花勝得錢

雜俎

具州潘彥奴雙陸每有

所詣局不離身曾泛海遇風船破彥右手挾一板左手

抱雙陸局口銜雙陸頭子經二日一夜至岸兩手見骨

局終不挫頭子亦在口

僉載

梁王書曰雙陸乃出天竺涅

槃經名為波羅塞戲

類要

武后自置九勝局形如雙陸其

頭加千萬二彩其子三十令文武官分明為此戲

同陸

大夫與普願禪師見人雙陸拈起骰子云恁麼不恁麼只恁麼信彩去時如何師拈起骰子臭骨頭十八

傳燈錄

投子

史徐溫與劉信博信斂投子祝曰劉信欲背吳願為惡彩苟無二心當成渾化一擲六子皆赤

五代史

傳記博陸彩名也陳思王置雙陸局置投子二至唐末有葉子之戲遂加投子至六飾四以朱者明皇與貴妃采戰惟重四可轉敗為上擲連呼叱之以投子宛轉而

成重四上大悅命高力士賜四緋也

事始

張祐客淮南幕

中赴宴時杜牧為支使座有美人索投子賭酒牧微噙

曰投子逡巡畏手拈無因得見玉纖纖祐應聲答曰但

知報道金釵落髻還應露指尖

撫言

有王生與夏侯孜

偕遊京西鳳翔連帥館之一日從事有宴召焉酒酣從

事以投子祝曰二秀才明年若俱登第當擲堂印王生

怒曰吾誠淺薄與夏侯孜同年乎孜及第至宰相王生

竟無所聞

廣記

薛昭遇三美女請擲子遇采强者得薦枕

席張雲容采勝

同上

蜀王建為禁軍都頭與其儕於僧院

擲投子六隻次第相重自么至六人共駭之他日霸蜀

北夢  
瑣言

擲投子呪云伊帝彌帝彌靖羅帝念滿十萬遍彩

隨呼而成

雜俎

問和尚年多少師曰始見去年九月九如

今又見秋葉黃曰畢竟如何師曰六隻投子滿盆紅

傳燈

錄

集客有以博戲自任者有博齒二異乎古之齒其制用  
骨觚稜四均鏤以朱墨耦而合數取應暮月視其轉止



依以爭道是制也通行之久矣莫詳所祖以其用必投擲故以博投詔之是日客抵骨于局且祝之曰其來如趨其去如脫

劉夢得集

是朽𩑦者不余畀也

同上

本朝投子者投擲之義今或作頭子言骨所成非也有作骰子者骰即股字不音投史記蔡澤說范雎曰博者咸欲大投投瓊也則知以玉名為投擲之義

資暇集

### 碁

經奕者舉棋不定不勝其耦

左傳

子奕之為數小數也不專心致志不得也奕秋通國之善奕者也使奕秋誨二人奕其一人專心致志惟奕秋之為聽一人雖聽之一心以為有鴻鵠將至思援弓繳而射之雖與之俱學弗若之矣

孟

斷木為棋亦皆有法

焉揚棋局謂之奕

孔叢子

史魏軍次於興勢費禕率眾禦之光祿大夫來敏至禕所別求共圍棋時羽檄交馳禕與敏留意對戲色無厭倦敏曰向聊觀試君耳君信可人必能辦賊者也

蜀志

王

棊觀人圍棋局壞棊為覆之棋者不信以枹蓋局更以他局為之用相比校不誤一道

本傳

晉武帝與張華圍棋

間杜預表適至華推枰斂手曰吳之荒淫驕虛宜亟討之

晉書

符堅率衆百萬攻淮淝謝安無懼色旋命駕出圍

棋賭別墅至夜乃還指授將帥各當其任旣而兄子玄破堅有驛書至安方對圍棋看書了無喜色棋如故客問之徐答云小兒輩已破賊王導嘗與子悅奕棋爭道導笑曰相與有瓜葛那得為爾邪王恬善奕棋為

中興第一

並同上

宋明帝與王抗圍棋每假借之曰皇帝

飛棋臣抗不能斷上終不悟好之愈篤

通鑑

羊玄保與宋

文帝奕棋賭郡立保戲勝補宣城太守

南史

琅邪王抗第

一品吳郡褚思莊會稽夏赤松第二品齊高帝使思莊

與王抗交賭自食時至日暮一局始竟

謝弘微性寬

博末年與友人棋友人西南棋有死勢傍一客曰西南

風急友悟乃救之弘微大怒投局於地識者知其暮年

之事

梁到溉與武帝圍碁達旦或低睡帝嘲曰狀似

喪家狗又似懸風槌

並同

陸雲公善奕棋嘗夜侍武帝

冠觸燭火帝曰燭燒卿貂帝將用為侍中故以此戲之

齊書

順宗為太子王叔文以善棋得侍東宮

唐書

方若棋局

圓若棋子動若棋生靜若棋死

李泌傳

傳記堯造圍棋以教子丹朱或云舜以子商均愚故作

圍棋以教之

博物志

人能盡數天星則徧知棋勢

述戈集

取

蛻龍牙一枚手握之臨局自然機變橫出

李參棋談

王積薪

夢青龍吐棋經九部授已其藝頓精

棋訣

王積薪寓宿山

中但有姑婦夜闌忽聞姑與婦曰良宵無以為適與子  
敵棋共子下三十六子姑曰子已敗矣吾止勝九枰耳  
積薪遲明問之姑始令案局置子因指示攻守殺奪救  
應防拒之法曰已無敵於人間矣

述異記

信安郡石室山

晉時王質伐木見數童子棋視斧柯爛盡既歸無復時  
人

同上

一行本不解棋觀王積薪一局遂與之敵笑曰此

但爭先耳若念貧道四句乘除語則人為國手

雜俎

日本

國王子來朝王子善棋上勅待詔顧師言對手王子出

如楸玉棋局冷暖玉棋子言本國有手譚池中出玉

子自然黑白分為冬溫夏冷故謂之冷暖玉更產如楸

玉狀類楸木師言與之敵手至三十三子即謂之鎮神

頭解兩征勢也

杜陽編

王中郎以圍棋是坐隱支公以圍

棋為手談

世談

石晉陳保性極鄙吝每與人奕棋敗則手

亂棋局懼所賭金錢不欲償也

續世說

李杓值與人棋而

敗乃竊數子嚙之反呼尋問乃鼓局大怒

棋天洞覽

徐峯善

棋段成式欲窮其術峯曰子若以墨狻猊與我當令子

過我十倍

大唐龍  
髓記

集所志不出一枰之上所務不過方罫之間

文選

圓奩象

天方局法地

圓棋賦

文楸方罫花參差心算未成星滿池

溫庭筠

一木之枰孰與方國之封枯棋三百孰與萬人之

將

韋曜論

初疑磊落曙天星次見博擊三秋兵鴈行布陣

衆未曉虎穴得子人皆驚

劉禹錫

山僧對棋坐局上竹陰

清映竹無人見時聞子下聲

白樂天

對面不相見用心如

用兵算人常欲殺顧已自貪生得勢侵天遠危行打劫



羸有時逢敵手當局到深更

杜荀鶴

本朝太宗時待詔賈玄侍上棋太宗饒三子玄常輸一路太宗知其挾詐乃曰此局汝復輸我當榜汝旣而滿局不生不死太宗曰汝亦詐也更圍一局汝勝賜汝緋不勝當投汝於泥中旣而不勝不負太宗曰我饒汝子今而局平是汝不勝也命左右抱投之水乃呼曰臣握中尚有一子太宗大笑賜以緋衣

荆公詩注

呂相留守東都

公退必手談會有文簿公罷棋發遣歛見棋者易一子



公明日謝客束帛遣之

芝田錄

林和靖每曰逋世間事皆

能之唯不能擔糞著棋

黑客揮犀

李重恩奕棋與人對奕坐

而昏睡人精思久之方下一子重恩開目隨手應之皆

出人意表

李巖老好睡衆人食飽下棋巖老輒就枕

閱數局乃一展轉云我始一局君幾局矣東坡曰巖老

常用四脚棋盤著一色黑子昔與邊韶敵手今被陳搏

饒先著時自有輸贏著了並無一物 腹心受害誠堪

懼唇齒生憂尚可醫

康節

飛電落文楸

山谷

# 彈碁

傳記漢成帝好戲鞠羣臣以為非尊者所宜劉向為彈

棋以獻

說小

彈棋魏宮中用裝器戲也文帝善彈碁能用

手巾角時一書生又能低頭以所冠葛巾撒棋

說世

魏戲

法先立一碁於局中餘者間白黑圍繞之

同上

集莫近彈碁局中心最不平

李義山

彈棋玉指兩參差背

局臨虛闕打危先打角頭紅子路上三金字半邊垂

王建

宮詞房生直溫與余二弟遊皆好學余病其確也思所以

休息之者得木局隆其中以規焉其下方以直置棋二十有四貴者半賤者半用朱墨以別焉旣而抵戲者二人則視其賤者而賤之視其貴者而貴之余諦觀之以思其始則皆類也房子一書而輕重若是適近其手而先焉非能擇其善而朱之否而墨之也然則若世之所

以貴賤人者其異房子之貴賤於茲棋者歟

柳文  
序棋

本朝彈棋局方二尺中心高如覆盂其顛為小壺四角微隆起今譜中具有此法柳子厚敘棋用二十四棋者

即此戲也

筆談

漢皇初厭感鞠勞侍臣始作彈棋戲東方

諸公盛得名魏文邇來稱絕技後宮粧奩仍可為低著  
葛巾尤更奇誰能朱墨異貴賤百世紛紛無已時

劉貢父

### 象戲

傳記巴邛人剖二大橘每橘有二老叟相對象棋一叟  
曰橘中之樂不減商山但不能深根固蒂為人摘下耳

廣事

記周武帝始造象戲

始

集篋蔽象棋

楚辭

本朝大都博奕皆戲劇象戲翻能學用兵車馬尚存周  
戰法偏裨曾備漢官名中軍八面將軍重河外斜尖步  
卒輕却凭文楸閒自笑雄如劉項亦閒爭

程明道

### 感融

史吾丘壽王以善格五召待詔

漢書

傳記說文云行棋相塞謂之塞鮑宏塞經曰塞有四采

塞四乘五是也至五即格不得行故謂之格五

類要

於奕

具一枰各布五子角遲速名感融

雜俎

或謂之感戎漢書

謂之格五雖止用數棋共行一道亦有能否徐德占善  
移遂至無敵其法已常欲有餘而致敵人於險

墨客  
揮犀

### 選職

集開成三年予舟行次洞庭之陽遇二三子號進士者  
以穴骰雙雙為戲更投局上以數多少為進身職官之  
差數豐貴而約賤卒局座客有為尉掾而止者有貴為  
相臣將臣者有連得美名而後不振者有始甚微而歛  
升於上位者大凡得失酷似前所謂不繫賢不肖但值

其偶不偶耳彼真為貴者乃數年之榮耳吾今之貴者亦數刻之樂耳又安知數刻之樂果不及數年之榮耶

房千里選

格圖序

本朝丁謂叅政楊文公曰骰子選耳何足道哉

互見叅政類

記纂淵海卷八十八



欽定四庫全書

記纂淵海卷八十九

宋 潘自牧 撰

雜戲部

鞦韆

傳記宮中寒食競立鞦韆為樂帝呼為半仙之戲

開元天寶

遺事鞦韆北方山戎之戲以習輕趨者

古今藝術圖

案詞人高

無際鞦韆賦序云鞦韆漢武帝後庭之戲本云千秋祝

壽之詞也語訛轉為秋千後人乃旁加革

青箱雜記

每春節

懸長繩於高木士女咸集並立其上共推引之名曰鞦

韆楚俗亦謂之施鈞涅槃經謂之胃索

歲時記

集萬里鞦韆習俗同

杜詩

綵索拂庭柯輕毬滿鄰圃

溫庭筠

鞦韆藤索拼

韓文

蹴繩覲娥嫠

同上

本朝綠蹊出鞦韆

六集

鞦韆索掛人何所

東坡

拄杖閒挑菜

鞦韆不見人

同上

蹴鞠

史蹴鞠足蹴之也鞠以韋為之中實以物蹴蹋為樂也

漢書注

穿地蹋鞠注云穿地作鞠以皮為之實以毛蹴蹋

以為也

霍去病傳

傳記蹴鞠起於戰國案鞠與毬同古人蹋蹴以為戲

劉向

別錄

唐僖宗在藩邸好築球有鍊腿之語

商云小說

集永日迢迢無一事隔牆聞築氣毬聲

韋莊

### 打毬

史蜀王衍常列錦步障擊毬其中熟諸香晝夜不絕

通鑑

唐僖宗尤善擊毬嘗謂優人石野猪曰朕若應擊毬進

士舉須為狀元對曰若遇堯舜作禮部侍郎陛下不免

駁放僖宗令陳敬瑄等四人擊毬賭三川敬瑄第一籌

即以為西川節度使

並同上

西川節度使杜元穎進罨畫

打球衣五百事

敬宗實錄

郭英義拜劍南節度使教女伎乘

驢擊毬鈿鞍寶勒

唐書

傳記上嘗三殿打球榮王墮馬悶絕移時黃番綽奏曰

大家如今年紀不小聖體又重不宜自勞何不看女婿

等與諸人為之如臣坐對食盤口眼俱飽此為樂耳旁

觀大家馳逐忙遽何暇知樂上曰爾言大有理後不復  
自為也

教坊記

淮南陽渥居喪晝夜酣飲然十圍之燭以

擊毬

續世說

集以擊毬事諫執事者多矣諫者不休執事不止其意  
必曰進若習熟則無危墮之憂避能便捷則免激射之  
虞小何傷於面目大何累於形軀者哉愈今所言特以  
擊毬之間之事明之耳馬之與人情性殊異至於筋骸  
之相束血氣之相持安佚則適勞頓則疲者同也以之

馳球于場蕩搖其心腑振撓其筋骨氣不及出入走不  
及迴旋遠者三四年近者一二年無全馬矣然則毬之  
害於人也決矣

韓大上張  
僕射書

分曹決勝約前定百馬攢蹄

近相映毬驚杖奮合且離紅牛纓拂黃金羈側身轉臂  
著馬腹霹靂應手神珠馳

贈張  
僕射

毬簇桃花騎

白樂  
天

舞劍

子昔趙文王喜劍劍士夾門而客三千餘人

莊

史沛公見項羽鴻門羽因留飲項莊入為壽壽畢曰軍

中無以為樂請以劍舞因拔劍舞欲擊沛公項伯亦起

舞常以身翼蔽沛公

漢書

傳記將軍裴旻請吳道玄畫東都天宮寺壁道玄曰聞

將軍善舞劍觀其壯氣可助揮毫旻欣然為舞玄奮筆

立成若有神助

明皇雜錄

開元中公孫大娘舞劍器僧懷素

草書遂長蓋觀其頓挫之勢

樂府雜錄

老杜見臨穎李十二

娘舞劍器曰余公孫大娘弟子也開元三載余尚童稚

記於郾城觀公孫氏舞劍器渾脫瀏灑頓挫獨出冠時

往者吳人張旭善草書數於鄴觀公孫大娘舞西河劍  
器自此草書長進豪蕩感激即公孫可知矣詩云昔有  
佳人公孫氏一舞劍器動四方觀者如山色沮喪天地  
為之久低昂燿如羿射九日落矯如羣帝驂龍翔來如  
雷霆收震怒罷如江海凝清光

鬪草

傳記謝靈運鬚美臨刑施於南海祇洹寺為維摩詰鬚  
中宗安樂公主五日鬪百草欲廣其物色令馳取之又



恐為他人所得因剪棄其餘

國史纂異

集若是吳王闔百草不如應是欠西施

劉禹錫

### 競渡

史唐杜亞為淮南節度方春南民為競渡戲亞欲輕駛乃繫船底使篙人衣油綵衣沒水不濡李衡在坐曰使

桀紂為之不是過也

唐書

傳記端午俗謂是屈原死汨羅日人傷其死並以舟楫拯之至今競渡是其遺俗

荆楚記

競渡者治其舟使輕利

謂之飛鳧又曰水車又曰水馬

歲時記

越人為競渡有輕

薄少年為鶩沒之戲有至水底然後魚躍而出

御覽

集楚俗不愛力費力為競舟買舟俟一競競斂貧者賕

元微之

祭船如祭祖習競如習讎

畫鷁四來合大競長

江流建標明取舍勝負死生求

並同上

沅江五月平堤流

邑人相將浮綵舟靈均何年歌已矣哀謠振楫從此起

揚枹擊節雷闐闐亂流齊進聲轟然蛟龍得雨鬚鬣動

蝦蟇飲河形影聯

劉禹錫競渡曲注云競渡始於武陵至今舉楫而相和之其音咸呼云何

在斯招屈之義也

綵旗夾岸照蛟室羅襪凌波呈水嬉曲中人

散空愁暮招屈亭前水東注

同

鼓聲三下紅旗開兩龍

躍出浮水來陣影斡波飛萬劍鼓聲劈浪鳴千雷

文苑英華

本朝淳化三年幸金明池觀水嬉命為競渡之戲擲金

甌於波間俾軍人撇波爭取之

會要

### 藏鉤

傳記按漢武故事云上巡守河間見清光屬天望氣者云下有貴子上求之見一女子姿色殊絕兩手皆拳擘

之莫舒上自披即舒號鈎弋夫人後人見其手拳因為

藏鈎之戲

歲時記

藏鈎剩一人則來往於兩朋謂之餓鴟

離組

藏鈎之戲分二曹以較勝負若人偶則敵對若奇則

使一人為遊附或屬上曹或屬下曹為飛鳥今為此戲

必於正月 舊說藏彊令人生離齊人高映善意彊段

成式嘗於荊州藏彊每曹五十人十中其九映言但意

舉止辭色若察囚視盜也

並同上

歲前又為藏鈎之戲

荆楚

記

# 傀儡

傳記傀儡子起漢祖平城之圍其城一面即冒頓閼氏  
兵強於三面陳平知閼氏妬忌造木偶人運機關舞埤  
間閼氏謂是生人慮下城冒頓必納之遂退軍後翻為  
戲具引歌舞有郭郎者禿髮善優笑凡戲場必在俳兒  
之首樂府雜錄窟礪子亦曰魁礪作偶人以戲善歌舞本喪  
家樂也漢末始用之嘉會北齊後主尤所好高麗亦有  
之今閭市盛行焉通典上皇幸華清宮但吟刻木牽絲作

老翁鷄皮鶴髮與真同須臾弄罷寂無事還似人生一

世中

楊妃外傳

學士初入院賜內軍傀儡子弄胡孫等

翰林故事

杜司徒常言我致政之後必乘小駟入市看盤鈴傀儡

即足矣

劉禹錫嘉話

### 角觥

史武帝元封二年初作角觥戲

通鑑

隋柳彧見都邑百姓

正月十五日作角觥戲上奏請禁之

互見上元類

唐莊宗少

好角觥嘗與王郁較而屢勝頗以自矜因顧李存賢曰

你能勝我與你一鎮存賢搏而勝之莊宗病篤顧存賢

曰角觝之勝吾不食言即以為盧龍節度使

五代史

傳記江陵顏雲偶收諸葛亮兵書自言可用十萬軍每至論兵必攘袂叱咤若對大敵時人謂之檢譜角觝也

北夢

瑣言

### 俳優

經及優侏儒雜子女

記樂

齊魯會于頰谷齊人使優

施舞于魯君之幕下孔子曰笑君者罪當死使司馬行

法馬首足異門而出

穀梁傳

史開元中宋璟疾負罪而妄訴不已者付御史臺治之

會天旱有優人作魃戲於上前問魃何為出對曰負冤

者二百餘人相公悉以繫獄故魃不得不出未幾罷璟

相

通鑑

諧臣談官怡愉天顏

元結傳

唐莊宗好俳優別為優

名以自目曰李天下常身與俳優雜戲於廷伶人由此

用事

五代史

莊宗嘗與羣優戲于庭伶人敬新磨批其頰

羣伶驚駭共持新磨詰曰汝奈何批天下頰新磨曰李



天下者一人而已復誰呼耶莊宗大悅吳王楊隆演幼  
懦徐氏專政嘗飲酒樓上命優人高貴卿侍酒徐知訓  
為叅軍隆演鶉衣髻髻為蒼鵲

並同上

傳記晉獻公之優曰施通於驪姬

國語

女伶謝阿蠻善舞

凌波曲

開元天寶遺事

本朝高懷德節制睢陽宋城南抵汴渠五里有東西二  
橋倡優亦衆率多鄙俚為高之伶人所輕誚每宴飲樂  
作必效其朴野之態以為戲玩謂之河市樂迄今俳優

常有此戲

沂公筆談

百戲

史漢武帝饗四夷之客極漫衍魚龍角觝之戲

漢書衛綰

以戲車為郎事文帝注云若今弄車之技

同上

羊侃姬妾

孫荊玉能反腰帖地得席上玉簪

南史

後魏孝武帝增脩

雜戲造五兵角觝麒麟鳳凰仙人長蛇巨象及諸異獸

魚龍辟邪鹿馬仙車高絙百尺跳丸以備百戲

北史

北齊

神武平中山有魚龍爛漫俳優侏儒山車巨象拔井種

瓜殺馬剝驢等奇怪百端名為百戲

同

煬帝上巳日會

羣臣於曲水為百戲跳劍舞輪昇準擲繩之類

隋書

張說

言乞寒潑戲未聞典故裸體跳足盛德何堪揮水投泥

失容斯甚

唐書

唐隆二年作乞寒潑戲

呂元泰上書曰

比見坊邑相說為渾脫隊駿馬炫服名曰蘇莫遮旗鼓

相當軍陣也勢騰逐喧噪戰爭象也錦繡夸競害女工

也督斂貧弱傷政體也炫服相勸非雅樂也渾脫為號

非美名也

並同上

含利獸從西方來戲於殿前激水成比

目魚跳躍激水作霧翳日化成黃龍脩八丈出水遊戲  
輝曜日光繩繫兩柱相去數丈二倡女對舞繩上切肩而  
不傾如是雜變總名百戲

舊唐書

傳記百戲起於秦漢有魚龍蔓延高絙鳳凰案息五案  
都盧尋橦走丸跳劍戲車山車興雲動雷跟挂腹旋吞  
刀履素吐火激水轉石激霧扛鼎象人怪獸含利之戲  
纂要梁有高絙伎蓋今之戲繩也梁有舞輪伎蓋今之戲  
車輪者也透三峽伎蓋今之透飛梯者也

類要

吞刀吐火

植瓜種樹之術皆從西域來 苻堅嘗得西域倒舞伎

漢世有撞末伎梁有長蹻伎跳鈴伎擲倒伎跳劍伎又

有梁竿伎獼猴緣竿伎漢世有盤舞者晉世加之以杯

謂之杯盤舞梁謂之舞盤伎

並同上

唐宴吐蕃使作蹀馬

之戲

景龍文館記

石虎製皮兒作獼猴之形走馬上或在馬

脇或在馬頭或在馬尾馬走如故名曰援騎

鄴中記

龜茲

樂戲有五蹄獅子

樂府雜錄

弄參軍始自漢館陶令石耽有

賊和帝惜其才每宴樂令衣白夾衫命優伶戲弄辱之

大中以來弄假婦人又弄婆羅門 戲有代面者始自  
齊神武之弟善鬪戰以其顏雌無威於敵每入陣即著

並同  
上

記纂淵海卷八十九

欽定四庫全書

記纂淵海卷九十

宋 潘自牧 撰

飲食部

酒

經需于酒食

易

有孚于飲酒濡其首

未濟

若作酒醴爾惟

麴蘖

書

厥父母慶自洗腆致用酒

不腆于酒 罔敢

湎于酒 矧汝剛制于酒

並同上

微我無酒以遨以遊

詩

子有酒食何不日鼓瑟

為此春酒以介眉壽 朋酒

斯饗 我有旨酒嘉賓式燕以教以宴樂嘉賓之心

醕酒有與醕酒有衍 有酒醕我無酒沽我 君子有

酒旨且多 君子有酒嘉賓式燕以樂 嘉賓式燕以

衍 嘉賓式燕綏之嘉賓式燕又思 酒既和止飲酒

孔偕 飲酒孔嘉維其令儀凡此飲酒或醉或否既立

之監或佐之史 王在在鎬豈樂飲酒 君子有酒酌

言獻之 酌言酢之 酌言醕之 或獻或酢洗爵奠

斚 曾孫維主酒醕維醕 酌以大斗以祈黃耇 既



醉以酒既飽以德 清酒百壺 既飲旨酒永錫難老

並詩

酒正掌酒之政令以式法授酒材辨五齊之名一曰

泛齊二曰醴齊三曰盎齊四曰緹齊五曰沈齊辨三酒

之物一曰事酒二曰昔酒三曰清酒辨四飲之物一曰

清二曰醫三曰漿四曰醕

周禮

夫豢豕為酒非以為禍也

而獄訟益繁則酒之流生禍也是故先王因為酒禮壹

獻之禮賓主百拜終日飲酒而不得醉焉此先王之所

以備酒禍也

禮記

酒者所以養老也所以養病也

射義

奉酒

醴以告曰嘉粟旨酒

左傳

有酒如淮有酒如澠酒以成

禮不繼以淫

並同上

不為酒困

唯酒無量不及亂

並語

子禹惡旨酒而好善言

孟

日昃不飲酒酒必酸賓主百

拜而酒三行不已華乎

楊

室酒不絕

文中

公孫朝好酒聚

酒千鍾積麴成封望門百步糟漿之氣逆於人鼻

列

魯

趙皆獻酒于楚王主酒吏求酒於趙不獲乃以趙厚酒

易魯薄酒奏之楚王以趙酒薄遂圍邯鄲

淮南

史禹時儀狄作酒禹飲而甘之遂疏儀狄絕旨酒

通鑑

外紀

大宛有蒲萄酒

史貨殖傳

魯正曰酒者天之美祿帝王所以

順養天下

前食貨志

酒百藥之長嘉會之好

同上

齊威王問淳

于髡曰先生能飲幾何而醉對曰臣能一斗亦醉一石亦醉王問故髡曰賜酒大王之前執法在前御史在後不過一斗隨醉矣若乃履舄交錯杯盤狼籍堂上燭盛主人留髡而送客當此時髡心最懽能飲一石

史記

曹參

為相國日夜飲酒賓客見參不事事皆欲有言參輒飲以醇酒醉而後去終莫得開說

漢書

武帝初榷酒酤昭帝

罷酒酤買酒升四錢 司馬相如與文君俱之臨邛賣

酒舍乃令文君當鑪相如自滌器於市中

並同上

徐邈為

尚書郎私飲沈醉校尉趙達問曹事邈曰中聖人達白

之太祖太祖甚怒鮮于輔曰醉客謂酒清者為聖人濁

者為賢人邈性修謹偶醉言耳後文帝問邈曰頗復中

聖人不對曰臣不能自懲時復中之

魏志

晉孫季舒與石

崇酣飲慢遊過度崇欲表免之裴楷曰足下飲人狂藥

責人正禮不亦乖乎

晉裴楷傳

陶潛逢酒熟取頭上葛巾漉

之畢還復著之

本傳

畢卓嘗曰得酒滿數百斛船四時美

味置兩頭右手持酒盃左手持蟹螯便足了一生矣

本傳

嵇康醉倒如玉山之將頽

本傳

劉伶曰天生劉伶以酒為

名一飲一石五斗解醒

本傳

山濤飲酒至八斗方醉帝欲

試之乃以酒八斗飲濤密益其酒濤極本量而止

本傳

阮

孚以金貂換酒為所司彈劾帝宥之

本傳

陳暄嗜酒與兄

子秀曰江諮議有言酒猶兵可千日而不用不可一日

而不備酒可千日而不飲不可一飲而不醉速營糟丘

吾將老焉

南史本傳

周伯仁渡江唯三日醒吾不以為少鄭

康成一飲三百盃吾不以為多

南史

賀知章見李太白呼

為謫仙人因解金龜換酒為樂

唐李白傳

王績待詔門下省

官給酒日三升或問何樂答曰美醞三升差可戀耳陳

叔達聞之日給一斗稱一斗學士嘗著醉鄉記

本傳

德宗

即位劍南貢生春酒

本紀

憲宗遣使者賜李絳醪酒

李絳

傳

于闐以蒲萄為酒又有紫酒青酒味尤美

五代史

傳記酒為歡伯除憂來樂

焦贛易林

晉劉白墮能釀酒暴於

日中經旬不變又謂之擒奸酒有毛鴻賓逢盜以酒飲

之即醉皆被擒語曰不畏張弓挾矢唯畏白墮春醪陽洛

伽藍蘭生漢武帝百味甘酒名玉薤隋煬帝酒名異人錄

魏左相能治酒其名有醕醖翠濤太宗嘗賜詩曰醕醖

勝蘭生翠濤過玉薤千日醉不醒十年味不敗同暑月

候雷霆時收雨水淘米炊飯釀酒名曰霹靂酒醉鄉凡

酒以色清味重者為聖色如金而醇苦者為賢墨色酸

醕者為愚以家醪糯釀醉人者為君子以家醪黍釀醉

人者為中人以巷醪黍釀醉人者為下人 凡醉有所  
宜醉花宜晝襲其光也醉雪宜夜消其潔也醉樓宜暑  
資其清也醉水宜秋泛其爽也 凡飲以一人為明府  
主斟酌之宜酒懦為曠官謂冷也酒猛為苛政謂熱也  
以一人為錄事以糾坐人須擇有酒材者 飲器大者  
曰武小者曰文 並同上 桓溫有主簿善別酒好者為青州  
從事惡者為平原督郵注云青州有齊郡從事謂到臍  
下也平原有茌縣督郵言在馬上住也 世說 廬山有桑落



洲多美酒

同上

索郎酒桑落時美因以為名

續古

滎陽之

土窟春富平之石梁春酒色也

國史補

酒有京城之郎官

清

同上

劉被命酒為玉友仍為作傳

百家詩序

烏孫國有青核

大如六升瓢貯水俄而成酒名青田壺酒曰青田酒

古今

注頓逢國有樹似石榴採其花汁停瓮中數日成酒甘

美

通典

房壽六月擣蓮花製碧芳酒

叩頭錄

滄州出菖蒲花

桃花酒飲之神氣清爽 南昌國酒山有泉其味如酒

飲之經月不醒 魏賈將有奴常乘舟於黃河中流接

河源水以釀酒名崑崙芳味絕妙

互見水類

劉玄石從中山

沽酒酒家與之千日酒至家而死以棺斂葬之酒家計

千日滿憶玄石醒矣往視之其家云死已三年於是開

棺醉始醒

博物志

葉法善與朝士會忽有一人叩門自稱

麴生秀才言語不凡葉疑其非人飛劍擊之應手墮地

乃一酒榼中有美醞飲之同坐曰麴生風味不可忘也

開元傳信

汝陽王飲葉靜能靜能曰有一生能飲當令來謁

翊日有通謁者曰進士常持滿飲以酒五斗而醉倒乃

一瓮耳

何東記

集奠桂酒兮椒漿

楚辭

四酎并孰不踴噓只清馨凍飲不

歡役只吳醴白蘘和楚澀只

瑤漿蜜勺實羽觴此挫

糟凍飲耐清涼些華酌既陳有瓊漿些

並同上

天垂酒星

之曜地列酒泉之郡堯不千鍾無以見太平孔非百斛

無以堪上聖樊噲解厄鴻門非鍾酒無以奮其怒趙之

廝養東迎其主非卮酒無以激其氣高祖非醉斬白蛇

無以暢其靈景帝非醉幸唐姬無以開中興袁盎非醇

醪無以脫其命定國非酣飲壹斛無以決其法故酈生

以高陽酒徒著功於漢屈原不舖糟啜醢取困於楚由

是觀之酒何負於政哉

孔融與曹操書

捧罌承槽銜盃漱醪奮

鬣箕踞枕麴藉糟無思無慮其樂陶陶

劉伶酒德頌

三杯通

大道五斗合自然但得酒中趣勿為醒者傳

李白

蘭陵美

酒鬱金香玉椀盛來琥珀光

蟹螯即金液糟丘是蓬

萊 蒲萄酒金叵羅吳姬十五細馬馳

遙看漢水鴨

頭綠恰似蒲萄初潑醅此江若變作春酒壘麴便作糟

丘臺

並同上

琉璃鍾琥珀濃小槽酒滴真珠紅

李賀

翹神寅

日合酒聖卯時歡

白樂天

何不飲美酒胡然自悲嗟俗號

銷憂藥神速無以加一杯驅世慮兩杯反天和三杯即

酩酊或笑任狂歌

同上

得錢即相覓沽酒不復疑忘形到

爾汝痛飲真吾師

杜詩

春酒杯濃琥珀薄冰漿椀碧瑤瑤

寒無人竭浮蟻有待至昏鴉

並同上

酒味既冷冽酒氣

又氤氲性情漸浩浩諧笑方云云此誠得酒意餘外徒

繽紛長安衆富兒盤饌羅羶葷不解文字飲唯能醉紅

裙

韓文

本朝頻頻到口微成醉拍拍滿懷都是春醺酣情味難  
名狀醞釀工夫莫指陳斟有淺深存變理飲無多少寄

經綸

邵康節

上樽白日瀉黃封

坡詩注云都下以黃封酒為貴蓋重內醞也

典

衣剝買河源水屈指新篳作上元老怯香泉灩寶樽

花前白酒傾雲液 龍根為脯玉為漿下界寒醅亦謾

嘗 未能頰我頰良復濡子唇 飲中真味老更濃醉

裏狂言真可怕 應傾半熟鵝黃酒照見新晴碧水天

曉日著顏紅有暈春風入髓散無聲 春杯浮竹葉

時復中之徐邈聖母多酌我次公狂 萬斛羈愁都

似雪一壺春酒若為湯 真珠為漿玉為醴 白酒潑

春瓮

並同上

酒面潑醅浮大白

六一集

瓮面浮蛆潑已香

同上

饌

經魚鼈膾鯉

詩

肴核維旅

雖無嘉肴式食庶幾 有

兔斯首燔之炙之或燔或炙嘉穀脾臄

爾穀既嘉爾

穀既馨 燔炙芬芬

其肴維何魚鼈鮮魚

並詩

珍用八

物注云淳熬淳母炮豚炮牂擣珍漬熬肝腎也 狼去

腸狗去腎狸去正脊兔去尻狐去首豚去腦魚去乙鼈

去醜 肉腥細者為膾大者為軒或曰麋鹿魚為菹麇

為辟鷄野豕為軒兔為宛脾並記子公之食指動以示子

家曰他日我如此必嘗異味及入宰夫將解黿相視而

笑左傳宰夫胹熊蹯不熟殺之同上膾不厭細 魚饅而肉

敗不食 有盛饌必變色而作並語

子至於味天下期於易牙 耆秦人之炙無以異於耆



吾炙魚我所欲也熊掌亦我所欲也

孟並

史晉元帝始鎮建業公私窘罄每得一狔以為珍膳項

上一臠尤美輒以薦帝于時呼中禁臠故王珣呼謝鯤

為禁臠

晉書

何曾性豪侈蒸餅上不作十字不食一食萬

錢猶曰無下箸處王愷有牛名八百里王武子與射

賭得趣左右探心作炙一啖而去

並同上

傳記江南人善作膾名郎官膾因張翰思膾得名

每物異名

記南人魚膾以細縷金橙拌之號為金齏玉膾隋時吳

郡獻松江鱸膾煬帝曰東南佳味也

隋唐嘉話

漢婁君卿遊

五侯之門每旦五侯饋餉之君卿乃合五侯所餉為鯖

鯖與胙同音征蓋煎和之名

廣記

將軍曲良翰作駝峯炙

甚美

雜俎

尊龜羹之絕美江南謂之一尊龜飲食有杏炙

龜炙

安祿山寵愛莫比其所賜品目有馬駱野豬鮓

南孝廉善作鱠穀薄絲縷輕作吹起

並同上

王遠至蔡

經家設麟肉脯

神仙傳

謝玄卿遇神仙設素麟脂斑蝥髓

續神仙傳

有人遺張華鮓華曰此龍肉也遂以苦酒沃之鮓

中有五色光

世說

晉人飲食中有寒具者乃今環餅也

鷄跖

集

駱賓王謂盛饌為炊金饌玉

拾遺

唐御廚進饌有九釘

盤

明皇雜錄

李林甫壻鄭平鬢斑林甫曰上明日賜甘露羹

鄭郎食之能烏髮食之果然

同上

明皇命射鹿取血煎鹿

腸食之謂之熱洛河

盧氏雜錄

盧懷慎為相清儉召客食曰

爛蒸去毛莫拗折項疑為鶩鴨已而下粟米飯一器及

盛葫蘆一枚

同上

侯思止食籠餅必令縮葱如肉號縮葱

侍郎籠餅即今饅頭也

食載

懿宗迎佛骨入內道場薦瓊

膏乳訶陵國所獻也

杜陽編

同昌公主上賜御饌有龍虬

脯

同上

宣宗賜韋澳孫宏銀餅餽食之甚美皆乳酪膏腴

之所為

撫言

柳公權以隔風紗作龍城記及八朝名品號

錦樣書以進上方御剪刀麪月兒羹即命分賜公權

雲仙

散錄

洛陽人家七夕裝同心膾

同上

房州六月調羊酪造含

風鮓

叩頭錄

王晉飯酒非鴨肝猪肚筋輒不舉

醉仙圖

集蕙肴烝兮蘭藉

楚辭

肥牛之臠膾若芳些和酸若苦陳

吳羹些臠鼈炮羔有柘漿些鶴酸膾鳧煎鴻鵠些露鷄

臠螭屬而不爽此粒粒蜜餌有飯餽此  
昂臠盈望和

致芳只內鷓鴣味豺羹只  
鮮螭甘鷄和楚酪只

醢豚苦狗膾苴蓴只吳酸蒿蓴不沾薄只  
炙鵠烝鳧

黏鷄臠只煎鯖臠雀逮爽存只  
並同上臣鮑言伏覩除書

以臣為糝缶將軍油蒸校尉臠州刺史者臣聞高沙老

嫗非有意於綺羅白鮪女兒豈留心於珠翠常恐鮓腹

之誚懼詒鼈岩之譏  
梁韋琳作鮪表注云高沙白鮪並地名其中多魚與鮮同且食

雙魚美誰看異味重  
杜詩豉化蓴絲熟刀鳴鱠縷飛  
鮮

鯽銀絲鱠香片碧澗羹 勸客駝蹄羹霜橙壓香橘

並同

上 長安衆富兒盤饌羅羶葷

韓文

本朝江南人好作盤遊飯鮓脯鱠炙無不埋下飯下諺  
曰掘得窖子羅浮穎老取凡飲食雜烹之類名谷薰羹  
陸道士作一聯云投醪薰谷羹鍋內掘窖遊盤飯椀中

仇池筆記

爛蒸桐州羔灌以杏酪食以匕不以筯南都撥心

麪作槐芽溫淘糝以裹邑抹猪炊共成香稻薦蒸鵝吳  
興厨人砭松江鱸魚鱠繼以康王谷水烹增坑鬪品茶

焉解衣少卧使誦東坡赤壁賦足以一笑也

志林

唐人謂

之饅飪今俗謂之饅飪晉東哲餅賦有饅頭薄持起漉

牢久之號今起漉牢久皆莫曉為何物薄持荀氏謂之

薄夜亦莫知其何物湯餅溫麪也

歸田錄

一饌費千金百

品羅成行

六集

玉食謝故吏風殮便逐臣

東坡

蔗漿酪粉金

盤冷

通印子魚猶帶骨披綿黃雀謾多脂

剝與故

人尋土物臘糟紅麪寄駝蹄今君坐致五侯鯖盡是

猩唇與熊白

並同上

穀

經黍稷非馨明德維馨

書

稷降播種農殖嘉穀

呂刑

黍稷

稻梁農夫之慶

誕降嘉種維秬維秠維糜維芑

稼

穡維寶代食維好

貽我來牟帝命率育

降之百福

黍稷重穋植穉菽麥有稷有黍有稻有秬

並詩

三農生九

穀注云稷秫黍稻麻大小豆大小麥

食用六穀注云

稻黍稷梁麥苽

菽麥蕡稻黍梁秫唯所欲

孟夏農

乃登麥仲夏農乃登黍孟秋農乃登穀仲秋以犬嘗麻



季秋以犬嘗稻

並記

子不違農時穀不可勝食也

孟

大庭氏號曰神農播穀

因苗以為教

管

神農氏之治天下也甘雨以時五穀蕃

殖

淮南

吾欲取天地之精以佐五穀

莊

莊周家貧故往貸

粟於監河侯

同上

得時之禾長稔大穗園粟而薄穰米粘

而香舂之易而食之強

亢倉子

得時之稻莖葆長穗穗如

馬尾

同上

史武王伐紂伯夷叔齊叩馬諫武王平殷亂伯夷叔齊

恥之不食周粟而餓死

史記

武帝太倉之粟陳陳相因充

溢露積于外腐敗不可食末年悔征伐之事下詔以趙

過為搜粟都尉

漢書

吳全琮父柔為桂陽守使琮齎米數

千斛至吳交易琮皆賑給士大夫空船而還柔奇之

吳志

陶淵明為彭澤令公田悉令種秫稻妻子固請種粳乃

使二百五十畝種秫五十畝種粳

宋書

齊劉懷惠為齊郡

守人有餉新米一斛者懷惠出所食麥飯示之曰食有

餘幸不煩此

南史

梁張率為新安太守遣家僮載米三千

石還宅及至遂耗其半率問其故答曰鼠雀耗率笑曰  
壯哉鼠雀竟不研問 庾詵嘗乘舟從山舍還載米百  
五十石有人寄載三十石至宅寄載者曰君三十石我  
百五十石詵默然不辨恣其取足 沈絢少貧于宗黨  
得米數百斛為宗人所侮覆米而去

並同上

隋季士謙望

見盜割其禾黍者默而避之家僮執盜者士謙曰窮困  
所致也遂放之

隋書

陽城嘗遣奴求米奴以米易酒醉卧

于路城與弟負之以歸及覺痛咎謝城曰寒而飲何害

馬唐書

傳記粢稷

爾雅注云今江東人呼粟為粢

衆秣

衆一名秣謂粘粟也

戎菽

胡豆也

赤苗

今之赤梁粟

芑白苗

今之白梁粟

秬黑黍

黑黍一名秬黍

秠一稗二

米

秠是黑黍之中一稗有二米者

徐稻

糯也並同上

大豆菽也小豆荅也豆

角謂之莢其葉謂之藿

廣雅

來小麥也牟大麥也

同上

秀實者為稼一曰在野曰稼

說文

以大暑而種故謂之黍

粟禾子也嘉穀實也粟之為言續也禾嘉穀也稷

五穀之長也

並同上

稻之粘者為秣

古今注

禾之粘者為黍

亦謂之稌亦曰黃黍

同上

西北曰蜜山多玉膏以灌丹禾

山海經

飯之美者玄山之禾

呂氏春秋

東華夫人設龍睛之稻

廣記

虎掌稻紫芒稻

同上

元和八年大軫國進碧麥紫米

杜陽

編

杜甫在蜀日以七金買黃兒米半籃

院花旋地志

紫沈麻

其實不沈有雲水麻實冷而光宜為油澤有光通麻食

者行不待燭則巨勝也食之延壽

拾遺

大厯中日本國獻

靈光豆大小類中華之菜豆其色殷紅而光芒可長數

尺本國人亦謂之詰多珠和石上菖蒲葉煮之即大如

鵝卵帝啖一九歎其香美無比而數日不復言饑渴

杜陽

編

有含露麥穗中有露甘如飴

拾遺

胡中有指星麥四月

火星出穫麥而食之俗人呼為鷄鳴麥

同上

集稻梁穡麥挈黃梁此

楚辭

五穀六仞設菰梁只

同上

白露

黃梁熟分張素有期已應春得細頗覺寄來遲味豈同

金菊香宜配綠葵老人他日愛正想滑流匙

杜詩

香稻三

秋末平田百頃間喜無多屋宇幸不礙雲山御袂侵寒

氣嘗新破旅顏紅鮮終日有玉粒未吾慳 滑憶雕胡

飯 嘗稻雪翻匙 崆峒小麥熟且願休王師 細麥

落輕花

並同上

種豆南山下草盛豆苗稀晨興理荒穢帶

月荷鋤歸

陶潛

浙玉炊香粳

韓文

本朝今年秋應熟過從飽鷄黍

東坡

浮大甌常炊玉

同上都

城一飯炊白玉

山谷

### 菜

經參差苻菜

于以采繁于沼于沚

于以采蘋南澗

之濱于以采藻于彼行潦

采葑采菲

誰謂荼苦其

甘如薺 其藪維何維筍及蒲 山有蕨薇隰有杞莢

思樂泮水薄采其芹

並詩

韭菹昌本菁菹茆菹葵菹芹

菹深蒲落菹筍菹

仲秋命有司趣民務畜菜

並記

雖疏

食菜羹瓜祭必齊如也

語

子孔子窮於陳蔡之間顏回擇菜 徐無鬼見魏武侯

武侯曰先生居山林食芋栗厭葱韭以賓寡人久矣夫

並莊

昔人有美戎菽甘泉莖芹萍子者對鄉豪稱之鄉豪

取而嘗之蜚於口慘於腹衆哂而怨之

列



史公儀休為魯相食葵而美拔其園葵而棄之不與人

爭利

史記

張騫使西域始得大蒜苜蓿

漢書

張翰秋風起乃

思吳中蓴羹鱸魚

晉書

蘇峻之亂庾太尉南奔見陶公陶

性儉吝及食啖薤庾因留之陶問用之何為庾公曰故

可種於是大歎

同上

蔡樽為吳興守齋前自種白苧紫茄

詔褒其清

南史

王儉謂周顒曰卿山中何食顒曰赤米白

鹽綠葵紫蓼文惠太子問顒菜食何味最勝顒曰春初

早韭秋末晚菘

庾杲清貧食唯有韭菹淪韭生韭或

戲之曰誰謂庾郎貧食常有二十七種言三九也張

融食炙欲求鹽蒜口終不言方搖食指半日乃息

並同上

孟信為趙平太守山中老人以狔酒饋之信乃自出酒

以鐵鐺溫之素木盤盛蕪菁菹而已

北史

邢峙以經入侍

皇太子厨宰進菜有邪蒿峙令去之曰此菜有不正之

名非殿下所宜食

同上

傳記晉咸寧中芳圃於金墉城多種異菜名曰雲薇又

曰雲芝其種有三謂之三蔬其香歷月不歇

拾遺

始皇遣

徐福入海求金菜玉蔬

金樓子

合觀菜每節四葉相對夜

合書開

番禺雜記

東華夫人設黑河菜

廣記

唐太宗時健達獻

佛土菜一莖五葉花赤心中正黃而藥紫色

類要

宋宇種

蔬三十品時雨之後案行園圃曰天茁此徒助于鼎俎

豫章記

諸葛亮所止令兵士獨種蔓菁菜今三蜀人呼為

諸菜江陵亦然

嘉話錄

掌中芥出末多國取子置掌中吹

之一吹一長三尺乃植於地

雜俎

馬自然見一家好菰菜

求之不得於是取筆畫一白鷺飛入菜畦中啄菜又畫

一鴟子走捍捉白鷺共踐其菜

廣記

韭一剪一加糞一歲

之中不過五剪

鷄跖集

五光七曰靈蔬者薤也

十籤

姚興弘

始三年逍遙園葱變為菹以為美瑞謂智人應入五月

鳩摩羅什入關

廣記

渾提葱其狀猶葱而甘辛

類要

菜之波

稜者西國中有僧自彼將其子來本是頗陵國將來語

訛耳

嘉話錄

劉崇龜以清儉自居嘗召同列食苦蕒

北夢瑣言

菜之美者有雲夢之芹

呂氏春秋

段成式食茄子偶問張周

封茄子故事張云一名落蘇事具食療本草成式記得

隱侯行園詩云寒瓜方卧壟秋菰正滿陂紫茄紛爛漫

綠樹鬱參差又一名崑崙瓜

雜組

宋玄曰食羶肉以蒜蘸

一盆喫畢飲酒二斗人有求得其一片蒜食之有如異

香終日在齒舌間香不散

廣記

南越志云石蓴似紫菜泮

水詩云采其茆鳧葵也疏云江南謂之蓴菜或謂之水

葵又名水芹

雞跖集

蓴根美之絕美江東謂之蓴龜

雜組蓴

至冬為猪蓴又云龜蓴又云七八月以前曰絲蓴秋末

初曰瑰蓴

本

四月蓴生莖而未葉名雉尾蓴

雞跖集

猿啼

之地厥乃多有每啼一聲遞生萬莖

窮幽記

王鯨逢賣蕨

姥黃衣破結鯨憫之乃以千錢買蕨姥謝而去及歸蒸

于烏頭甑盡成金釵

清異志

魯漆室之女曰昔客舍我繫

馬跌殘余葵使余經歲不飽葵

列女傳

苦菜河北謂之龍

葵

顏氏家訓

李華燒三城絕品炭以龍腦裹芋魁煨之擊爐

曰芋魁遭遇矣

三賢典語

集紫菜熒眊以叢被綠苔髮髻乎研上

文選

菜則葱韭蒜

芋青筍紫薑薑薺甘旨蓼蓂芬芳藁荷依蔭時藿向陽

綠葵含露白薤負霜

潘安仁賦

秋黃之蘇白露之茹

七發芳菰

精稗霜蓄露葵

七啓

歡言酌春酒摘我園中蔬

陶詩

柔蔬傲

霜而秀折

劉禹錫賦

畦蔬遶茅屋自足媚盤飧

杜詩

自鋤稀菜

甲小摘為情親

園蔬抱金玉

並同上

本朝秋風吹折碧削玉茹芳根應傍鵝池發中懷酒墨

痕

茭白

分得蹲鴟種連根占地腴曉炊粘玉糝深碗啖模

糊

芋

肉食嘲三九終憐氣韻清一畦春雨足翠髮剪還

生

韭

漑釜熟輪囷香清味仍美一線解瓊瑤中有佳人

齒瓠

葉實抱芳辛氣烈銷煩滯登俎效微勞乍食驚頻

噉芥

周郎愛晚松對客蒙稱賞今晨喜薦新小嚼冰雪

嚮松

金鏃因形製臨畦發永歎時危思顯佩楚客莫紉

蘭

波稜

新芽肌理膩映日淨如空拾似勻妝指柔尖帶淺

紅

子蘆

密壤穿根蒂風霜亦飽經如何純白質近蒂染微

青

蘿蔔

雖無適口味暖益功稀比菜苦不登盤言忠多逆

耳

苦薺並係劉屏山園蔬詠

清朝薦蔬盤乳餅有真味不用精瓊靡

無勞爛羊胃

乳餅

脩脩江上林白日暗風雨下有萬玉蚪



三冬卧寒土

荀

誰將紫芝苗種此槎上土便學商山翁

風餐謝肥羜

紫萁

薑云能損心此謗誰與雪請論去穢功

神明看朝徹

子薑

寒茝翳秋塘風葉自長短剗心一飽餘

并得牀敷軟

茝荀

黃龍記昔遊園客有佳遺不為洛生吟

輟餐時擁鼻

南荷

小草有真性託根寒澗幽懦夫曾一噉

感憤不能休

燂菜

蔬腸久自安異味非所諺樹耳黑垂聃

登盤今亦乍

木耳

紛敷剪翠叢津潤擢玉本寂寞並文園

吟餘得染齟

蘿蔔

沃野無凶年正得蹲鴟力區種萬葉青

深煨奉朝食

芋魁

南山春筍多萬里行枯腊不落盤餐中

今知綠如簍

筍脯

種豆豆苗稀力竭心已腐早知淮南荒

安坐獲泉布

豆腐

聞說閬風苑瓊田產玉芝不收雲表露

烹淪詎相宜

白草已上繫朱大公次  
劉秀野蔬食十三詠

茶

權茶已見都大茶馬類

史陸羽字鴻漸嗜茶著經三篇言茶之原之法之具後

著毀茶論

唐本傳

傳記茶上者生爛石中者生礫壤下者生黃土

茶經

沫餗

者湯之華也華之薄者為沫厚者為餗輕細花者曰花  
茶有九難一曰陰採夜焙非造也二曰嚼味嗅香非別  
也三曰膩鼎腥甌非器也四曰膏薪庖炭非火也五曰  
飛湍擁潦非水也六曰外熟内生非炙也七曰碧粉縹  
塵非末也八曰操艱攪遽非煮也九曰夏興冬廢非飲  
也並同上王子尚訪曇濟道人於八公山道人設茗子尚  
味之云此甘露也何言茶名也陸羽顧渚山記唐制湖州造茶  
最多謂之顧渚貢焙歲造一萬八千四百餘斤南部新書唐

德宗好煎茶加酥椒之類李泌戲為詩曰旋沫翻成碧

玉池添酥散作琉璃眼

鄴侯家傳

顧渚山有鳥每至正二月

作聲春起也至三月止春去也採茶人呼為報春鳥

顧渚

山茶記

王濛好茶人至輒飲之士大夫甚以為苦每欲候

濛必云今日有水厄

世說

覺林僧志崇收茶三等待客以

驚雷莢自奉以萱草帶供佛以紫茸香赴茶者以油囊

盛餘瀝歸

蠻甌志

白樂天訪劉禹錫正病酒禹錫乃饋菊

苗蘼蘆服鮓換取樂天六班茶二囊以自醒酒

同上

同昌

公主上每賜饌其茶則有綠華紫英之號

杜陽編

江左有

蠟面之號李氏別命其乳作片或號曰京挺的乳二十

餘品名乳蠟面龍鳳茶等又有研膏茶即龍品也

談苑

雅州濛嶺產茶最佳其常在春夏之交方茶生常有雲

霧覆其上若有神物護持云

圖經

集山石東吳秀茶稱瑞草魁

杜詩

楚老卷綠葉枝枝相接

連曝成仙人掌似拍洪崖肩

李白

芳叢翳湘竹零露凝清

華復此雪山客晨朝掇露芽蒸煙俯名瀨咫尺凌丹崖

圓方麗其色圭玉無纖瑕呼兒爨金鼎餘馥延幽遐滌

慮發其照還源蕩昏邪猶同甘露飯佛事薰毗耶咄此

蓬瀛客無為貴流霞

柳文

聞道新年入山裏蟄蟲驚動春

風起天子須嘗陽羨茶百草不敢先開花仁風暗結珠

琲瑠先春抽出黃金芽

盧仝

嫩芽香且靈吾謂草中英夜

臼和煙擣寒爐對雪烹

鄭愚

本朝顧況論茶云煎以文火細煙又以小鼎長泉

蔡君謨茶

錄

謝宗論茶云候蟾背之芳香觀蝦目之沸湧建人

謂關茶為茗戰 建安關茶以水痕先退者為負耐久

者為勝故較勝負之說相去一水兩水耳

並同上

爾雅云

苦茶注似梔子今呼早採者為茶晚採者為茗蜀人名

曰苦茶故坡詩云周詩記苦茶茗飲出近世初緣厭梁

肉假此雪昏滯

茗溪詩話

北苑在富沙之北隸建安縣去城

二十五里乃龍焙造貢茶之處亦名鳳凰山 龍焙泉

即御泉也北苑造貢茶社前茅細如針用御水研造其

色如乳乃至精也

並同上

南劍有濛頂石花湖州有顧渚

紫筍峽州有碧澗明

蔡寬夫詩話

顧渚湧金泉每歲造茶時

太守先祭拜然後水漸出造貢茶畢水稍減至恭堂茶

畢已減半矣太守茶畢遂涸

同上

茶之品莫貴於龍鳳團

蔡君謨為福建運使始造小片龍茶其品絕精謂之小

龍團凡二十餘餅重一斤其價值金二兩然金可有而

茶不可得

歸田錄

熙寧中有旨下建州製密雲龍其品又

高

張舜民小說

茶之佳者造在社前其次火前謂寒食前也

學林新編

乃知此為最靈物宜其獨得天地之英華

六一集

西



江水清江石老石上生茶如鳳爪 共約試春茶槍旗

幾時綠

摘處兩旗香可愛貢來雙鳳品尤精

並同上

春

濃睡足午牕明想見新茶如潑乳

東坡

紫椀鋪粟盤龍茶

赤泥開方印紫餅絕圓玉

蟹眼已過魚眼生颼颼

欲作松風鳴蒙茸出磨細珠落眩轉遶甌飛雪輕

並同上

記纂淵海卷九十

欽定四庫全書

記纂淵海卷九十一

宋 潘自牧 撰

香藥部

香

傳記沈香青桂香馬蹄香鷄骨香煎香同是一本細枝  
緊實為青桂香黑而沈水為沈香半沈浮為鷄骨香最  
麝為煎香又云沈者為沈浮者為檀似鷄骨為鷄骨香  
似馬蹄為馬蹄香似牛頭為牛頭香最麝者為踐香

本草

薰陸出天竺單于二國其木生于海邊沙上盛夏木膠  
流出沙上乳香亦其類也廣志波斯國松木脂有紫赤  
如櫻桃者名乳香薰陸之類也今人無復別通謂乳香  
為薰陸耳又云乳香是薰陸中乳頭也今松楓脂亦皆  
如是 檀香生南海有黃白紫之異 蘇合香從西域  
及崑崙來又云大秦國採得蘇合香先煎其汁以為香  
膏乃賣其滓然則廣南貨者其經煎煉之餘乎或云師  
子矢北人欲貴重之故飾其名耳 降真香出黔南拌

和諸香燒煙直上天召得鶴盤旋於上

並同上

婆利國有

婆律樹高八九丈瘦者出龍腦肥者出婆律香又云一

木五香根旃檀節沈香花鷄舌膠薰陸

雜俎

龍腦香出婆

律斯國木形如杉木木中脂似白松脂作木膏乃根下

液亦謂之婆律膏

同上

龍涎香出大食國國人候島林上

有異禽翔集下有羣魚游泳則有伏龍吐涎浮水上舟

人或採而得之則為巨富其涎如膠

高竇等州產生

結香山民見香木曲榦以刀斫損經年香溜復鋸取之

刮去白木其香結為斑點名鷓鴣斑倦游錄取大甲香如

崑崙耳者酒煮蜜入諸香中用

四時纂要

本朝山谷論香有謂聞思香取楞嚴經觀音所言從聞

思修入三摩地因以名香 螺生雲南者大如掌青黃

色取燼燒灰合香者多用之謂能發香也

山谷詩注

天香滿

袂人知否曾到旃檀小殿來

東坡

早知百和俱煨燼未信

人言弱勝剛

詠沈香石

銀葉燒香見客邀 水沈煙斷佩聲

微 薰衣漸歎衙香少 東夷初識令君香

襄陽記李和事

旃

檀婆律海外芬西山老臍栢所薰

嵇康云麝食香故香也並前人

床帷

夜氣馥衣桁晚煙凝

並前人

### 生藥

經醫師聚毒藥以供醫事

記

子薑也桔梗也鷄壅也豕零也

莊子薑烏頭也鷄壅鷄頭也豕零木猪苓也

神農嘗百草之滋味一日而七十毒

淮南子又孔叢子作七十二毒

大

戟去水葶蘆愈脹用之不節乃反為病

同上

史陸彭曾嬰重病藥中須桑螵蛸不忍害物遂不服焉

北史

傳記神農以赭鞭鞭百草盡知其毒及寒溫氣味所主

搜神記

椒薑禦溫蒲益聰巨勝延年威喜辟兵

孝經援神契

藥

有宣通補泄輕重溢滑燥濕十種如宣可去壅即薑橘  
之屬是也通可去滯即通草防己之類是也補可去弱  
即人參羊肉之類是也泄可去閉即葶藶大黃之屬是  
也輕可去實即麻黃葛根之屬是也重可去怯即磁石  
鐵粉之屬是也溢可去脫即牡蠣龍骨之屬是也滑可



去著即冬葵榆皮之屬是也燥可去濕即桑白皮赤小

豆之屬是也濕可去枯即紫石英白石英之屬是也

補注

本草陶隱居云藥有宣通補泄輕重澁滑燥濕十種今解

之惟寒熱二種何獨見遺如寒可去熱大黃朴消之屬

是也如熱可去寒附子桂之屬是也

同上

上藥養命謂八

石鍊形六芝延年也中藥養性謂合歡蠲忿萱草忘憂

也下藥除疾謂大黃除實當歸止痛也

博物志

藥者五行

之英華地之津液也

十纖

芳草之氣美石藥之氣悍二者

其氣急疾堅勁故非緩心和人不可以服此二者

素問

集食豆令人重榆令人瞑合歡蠲忿萱草忘憂

嵇康養生論

玉札丹砂赤箭青芝牛溲馬勃敗鼓之皮俱收並蓄待

用無遺者醫師之良也

韓文

是皆醫師以昌陽引年欲進

其稀苓也

同上

是故經中黃苓以類馬尾蠶首言人參者

似人形附子八角甘遂赤膚若果土宜乃善則當云某

所某所不當又云某者良也

柳文論石鍾乳書

余病瘡且悖謁

醫視之曰唯茯神為宜明日買諸市烹而餌之病加甚

召醫而尤其故醫求觀其滓曰吁盡老芋也彼鬻藥者  
欺子而獲售子之懣也而反尤於余不以過乎余蔑然  
慙慨然憂推是類也以往則世之以芋自售而病乎人  
者衆矣又誰辨焉

辨荻  
神大

本朝我夢羽人頤而長兮惠而告我藥之良兮喬松千  
尺老不僵兮流膏入土龜蛇藏兮得而食之壽莫量兮  
於此有草衆所嘗兮狀如狗蟲其莖方兮夜炊晝曝久  
乃藏兮茯苓為君此其相兮我興發書若何符兮乃淪

乃烝甘且腴兮補填骨髓流髮膚兮

東坡服胡麻賦

明年採藥

天台去更欲題詩滿浙東

靈苗與毒草疑似在毫髮

細斲黃土栽三稜

人也參也

小圃傍城郭閉門芝朮香

芎藭生蜀道白芷來東南

地黃食老馬可使光鑒人

掃白非黃精輕身豈胡麻

巧語屢曾遭意欲度辭

寧復托芎藭

並同上

熟藥

經若藥弗瞑眩厥疾弗瘳

書

君有疾飲藥臣先嘗之親

有疾飲藥子先嘗之

記

許惲公瘧飲世子止之藥卒

左傳

康子饋藥拜而受之曰丘未達不敢嘗

語

子南榮趯曰里人有病里人問之病者能言其病病然其病者猶未病也若趯之聞大道譬猶飲藥以加病也趯願聞衛生之經而已

莊

羿請不死之藥於西王母姮

娥竊以奔月

淮南

史灌夫身中十創適有萬金良藥故不死

前漢

韓康字伯

休采藥名山賣於長安市口不二價三十餘年時有女

子就康買藥康守價不移女子怒曰公是韓伯休那乃不二價乎康歎曰我本欲避名今小女子皆知有我何用藥為遁入山中

後漢

羊祜與吳將陸抗對壘使命交通

抗嘗病祜饋之藥抗飲之無疑心人多諫抗抗曰豈有

酖人羊叔子乎

通鑑

傳記周昭王晝夢羽人以指畫王心應手而裂王乃驚悟因患心疾旬日忽見所夢者來語王曰先欲易王之心乃出方寸綠囊之中有藥以摩王臆王疾即愈

拾遺記

願諸衆生得阿伽佗藥以是藥力能除一切無量惡毒

涅槃經

凡散藥有云刀圭者十分方寸之一准如梧桐子

大也

本草

剗麝剗犀驅曳邪惡飛丹煉石引納清和

同上大

荒中日月所入有靈山十巫百藥爰在

類要

王孫綽一劑

藥可以愈偏枯欲倚之以生殊死之人則不可也

同上或

戲賣藥翁有大還丹賣否曰有一粒一千貫錢皆笑之

又謂人曰無人肯把錢買今須自喫却藥纔入口足下

五色雲生飛而去

廣記

集藥餌扶吾隨所之

杜詩

藥殘他日裏

看題檢藥囊

多病所須惟藥物

悵望金匙藥

囊中藥未傳

藥

纂西極名

並同上

本朝良藥不甘口厥功免沈痾

六一集

探懷得真藥不待

君臣佐

東坡

千金得奇藥

何須魏帝一丸藥

悟彼善

知識妙藥應所投

並同上

巫師司民命藥石不入市

山谷

記纂淵海卷九十一